

# 丹淵集




漢書門類			
三	四	六	八
九	六	八	號
六	三	六	架
冊			

內閣文庫			
三	四	六	八
五	六	八	號
函	冊	架	
一	三		

內閣文庫		
番號	漢	3468
冊數	6 ( 2 )	
函號	315	66





陳眉公先生訂正丹洲集卷一

宋 蜀文 同與可 撰

明 吳毛 晉子晉

蜀 李應魁 務滋同叅

吳 吳一標 建先

詞賦

超然臺賦

方仲春之盎盎兮覽草木之菲菲胡佛鬱於余  
懷兮悵獨處而無依陟危譙以騁望兮丘阜摧

丹淵集 卷一  
晏而參差窮莽蒼以極視今但浮陽之輝輝忽  
揚颺以晦昧今灑氛霾於四垂躋余心之所行  
今欲溷溷其安之蛻余神以遐鶩今控次寥而  
上馳闢晻曖以涉鴻洞今揮霓旌而掉雲旗導  
長彗以天矯今從宛虹之委蛇曳采旒以役朱  
鳳今駕瓊輶而驅翠螭涉橫潢以出沒今歷大  
曜而蔽虧犴萬里以一息今俯九州而下窺有  
美一人今在東方去日久今不能忘凜而絜今  
岌而長服忠信今被文章中皦皦今外琅琅蘭

爲襟兮桂爲裳儼若植兮奉珪璋戢光耀兮秘  
芬芳賈世用兮斯卷藏遊物外兮肆猖狂余將  
從之兮遙相望回羊角兮指龍航轉嶠夷兮蹴  
扶桑倚泰山兮聊徜徉下超然兮拜其旁願有  
問兮遇非常勿掉頭兮告以詳使余脫亂天之  
罔兮解途物之韁已而釋然兮出有累之場余  
復僊僊兮來歸故鄉

石姥賦

上蒼岑之飛泉兮披蒼翳之榛莽  
斃倦執而膺

丹淵 卷一  
喘兮窮其巔於絕岨爰有石而跂跂兮旁無他  
而相伍色黧黧而骨勁省兮具支節而帶文縷  
其遠睨之若人兮迫猶疑其蹲虎里俗神而甚  
恭兮號相尊其曰姥謂遽亟而丐况兮緣其求  
而下予忽旱陽赫而上藝兮飛光流而燎土燂  
多稼以巨甌兮烹羣命于碩黼走群靈而莫答  
兮後率歸而此愬役稚耄而竭蹶兮來號呶而  
詔諄會諸力以掀揭兮使轉移其常處靈歛然  
而見景怪兮衆外愕而中怖愉堀堞而下發兮

鬱黯爨而上布憺砢磔而中作兮漭滂沱而四  
注回極熾而施大潤兮曾不暇乎旋步已復還  
其故立兮各再拜而引去問其端而何從兮年  
皆失其幾許吾聞懷澤之與符陽兮亦有石爲  
牛鼓彼民釁而擊之兮常以旱而取雨宛其於  
爾爲類兮彼又載于國譜噫惟皇之大職兮繫  
陰陽之煦嫗奚磊砢之頑質兮輒矯權而自主  
事豈無於適然兮而惑者槩從而爲語皇忽寤  
而震恚兮烈罪目而爾數訶星士以施楛兮勅

丹淵集 卷一  
雷將而揮斧赫電火而灰爾兮鼓箕風而蕩汝  
闐大空而泮散兮一摩抗其處所俾愚黎之侷  
正兮識惟皇之覆露皇未寤而民尚惑兮徒吾  
髀之長拊

蓮賦

彼芳蓮之紛敷兮乃橫湖之繡繪挺濁淤以自  
潔兮澡清漪而逾麗纖空其上下兮細理周其  
向背甘液凝而露浥兮清香馥而風遞向水筋  
與玉骨兮外吐心而露肺承寶座之千趺兮蔭

琬輿之萬蓋張翠帷於月下兮列綵仗於煙際  
容鷗鷺之徙倚兮取龜魚之芘賴既怙水以不  
競兮復泐涯而自退實華蘂之上品兮豈草木  
之一槩

松賦

度衆木而特起兮有高松之可覲擢雙幹以旁  
達兮聳千尋而上擊怪難入於圖畫兮老莫知  
其歲曆含古意以茫昧兮負天材而岑寂柯磅  
礪而如枹兮葉徼掾而若窠停餘雪而暖溜兮

棲宿雨而晴滴險穴聚乎魑魅兮陰枿藏乎霹  
靂蒙煙霧之灑潤兮傲冰霜之慘戚榮枯繫乎  
所托兮用捨由乎見覓敢並名於杞梓兮甘取  
誦於樛櫟

問神詞

并序

丙申歲夏五月南國大旱土人走寧之要  
冊池取神水者如市既得各就其社祀以  
禱雨然踰旬不應民甚恐懼禾稼焦枿不  
得食以死且疑神何不若嚮時之速驗也

群口咨嗟余聞之爲作問神辭使歌之凡  
三篇如左

一

惟歲之旱兮叩群靈而寂然鬢踵汗額以歷它  
疆兮俾趨神之所淵飾益年以借餘潤兮輦護  
以歸期監乃衷之虔兮少悼民之凶飢巫歌覲  
舞兮舌橋而腕垂原呼野召兮翁走而媪馳奉  
新絜以羅庭戶兮日屢薦而益祗吾將問神兮  
不閱此而易爲

二

寧山之環兮寧水之灣  
吾神宅茲兮幾千百年  
土民所仰兮重如一天  
凡旱取雨兮易若手然  
潤逐灌洒兮陰隨炳煙  
盡秦之境兮歲無赭田  
茲夏隴之槁渴兮風燥  
而日煎吾將問神兮豈  
或不職而累前

三

神嘗以功兮荷天之福  
袞畫藻火兮冕垂纓玉  
樓殿鞦韆兮楹廡聯屬  
炫煜煜兮盤山結谷幄

帝之下兮雲藏雨蓄宜  
以其潤兮惠吾百穀胡  
爲自嗇兮肆眚之酷吾  
將問神兮寵其爲辱

去陵

度龍從兮外岑峯宛詰  
竭兮倅高而謁深望巉  
嵯之危堞兮隱重闕于  
幽林石塗齟齬而直注  
兮盤苔磴乎千尋問守  
居之何所兮凌絕壑而  
繚層巒欄廡鬱其紆紉  
兮觀閣緣乎孱顏嗟余  
胡爲棲此兮日儔伍乎  
群山歲月淹其兩周兮  
悵何時而當還焘兮赫  
懣兮慄若寐之覺兮疾

而復承詔易守漢上兮幸旋轉于夷陸側身東  
望兮掣余思而太息山中不可以久留兮無四  
時而蕭瑟

秋望

愴疑立兮臨曾巔極延迤兮睇遙川杳營營兮  
其何之馳滉漭兮浮寥然彼美人兮在一方望  
泊鬱兮蔽雲煙期將邁兮殫所思念莫致兮勞  
且悄零露濛濛兮促其歸灑涕淚兮紛如泉

送李道士

雲離離兮風漻漻群山空兮萬木凋水泯泯兮  
大野平天次寥兮新霜晴途先生兮歸鵝池晨  
霞鮮兮明羽衣乘青驪兮度南岡荷瓊笈兮祕  
雲章先生去兮來何時上三峒兮余之思閑居  
靈崑兮摘錦詞有鶴可使兮其致之

哭仲蒙二章

憐慄栗兮臨清秋懷全憤兮紛予憂拂其弭兮  
久復留念將焉適兮升高丘問胡然兮予之思  
縵予心兮不解以繆謂遐闊兮願如其宮悵西



南兮川塗緬脩已忽寤兮往嘗此以計蓋子之  
生于世兮期爲已休萬感芸然兮盡予之中魄  
幹漂潰兮索其若抽念子一去兮不可以復見  
顧予之於道兮尚胡爲而此謀欲子似兮取友  
但寥寥兮安求孰識子兮予深當何人兮與侔  
彼徒以文行兮爲子之高其不爲賤正體而貴  
余肱如刻畫兮妄以累子類神珠兮覺天球知  
子之末兮尚可以表世其不能究者兮彼又何  
尤已矣乎子之存兮在予憶子之疚兮將何時

而可瘳歛予恨兮暮來歸煙雲飄蕭兮奉予以  
愁

右臨高

念子將歸兮于嵩之陽彼山之中宅群僊兮欣  
得子而翱翔冠芝英兮佩蘭芳躡暉暉兮服熒  
煌執瓊笈兮披錦囊遡天風兮誦霞章神君揖  
兮登寶牀玉女進兮奉瑜觴予浩歌兮頌靈休  
瑤瑟差薦兮相與子之獻酬客下緱嶺兮飄霞  
旒人來穎陽兮駕琳輶蟠桃春兮白榆林雲開

月皎兮桂嶠之幽子之樂兮千萬億年下視此  
世兮不肯還猿嗥鶴哀兮悅倘乎空山相望何  
所兮杳莫可攀

右懷嵩

仲蒙為人無所不備采摘一二以  
爲其美行累之多矣劉元平嘗論  
人之賢者曰無長仲蒙似之故同  
之二章如此熙寧辛亥仲秋癸酉

仁壽郡東齋題

哭任遵聖

覽顥宇之渺漭兮悲萬彙之漂搖林薄颯以殞  
瘁兮帶原隰之蕭條瞻離魂之怫鬱兮紛渙散  
而孰招悵節物之變易兮付餘懷以無聊念先  
生之生此兮皇曷爲而有之旣誕畀以才德兮  
又復艱其所施使輾轉於偏側兮躋其行而莫  
馳哀抱憤以遽去兮問誰賢而爾師飽道義兮  
富文章轟大聲兮發洪光潔如玉兮凝如霜堅  
不可撓兮凜不可當嗟爾世俗兮曾莫測其所

九淵集 卷一 九  
高但輒詆以絕衆兮實自疵于爾曹且勿辨其  
薌臭兮混蘭藏於蓬蒿不善擇其至行兮務族  
譟而叢嗥今已矣兮想孑立而孤居游鴻洞而  
入齋淪兮乘威鳳而跨鯨魚出入乎無極兮旁  
羊乎太虛下視夫塵寰兮諒將厭其如智惟不  
肖兮有性自天蹈大道以直驚兮繇中軌而掉  
長鞭寧剛折而方毀兮耻從柔而逐圓獲稠人  
之笑詈兮獨先生之見憐負先生之所與兮羗  
莫恤乎其它今既失先生之爲徒兮顧泯泯而

奈何茲忽計以大事兮還英氣于岷峨恨不能  
撫柩以一訣兮橫涕淚而滂沱亂曰先生之美  
今豈衆人之足云兮先生之慶兮有弟賢而子  
文兮先生之安兮地既吉而可墳兮先生之壽  
今期萬祀而有聞兮夫何憾耶

哭許駕部

鄉余登大嶠以回軫兮過君公之故里涉郊坰  
而歷閭閻兮聆弦歌之盈耳稔德義於洋洋兮  
時屬君之令此因執名以願見兮遂日親於燕

丹淵集 卷一  
几挹佳論之端潔兮識所存之可喜議爲邑之  
良術兮欲儷君而無幾復余出守於陵陽兮君  
亦擁麾于通義封壤相切行不越宿兮朝暮之  
聞愈美彼邦之政素艱其施兮前罕稱乎善治  
惟君之才力强敏兮條若紛絲之就理余改符  
於漢中兮君復駕題輿於錦水閱月未久而君  
以疾聞兮忽遽傳乎君之不起哀哉淑人之云  
亡兮無由撫棺而問天以死徒臨風以永歎兮  
何壽夭禍福之反是獲河內之來計兮蒙不鄙

於君之子云將歸君于幽宮兮撰吉日而且邇  
湯湯乎大河之漭兮峩峩乎大行之趾岸磅礴  
而岡隱嶙兮茲有利乎君之所止限川塗之脩  
緬兮阻陪葬乘之末軌悼余懷以遐薦兮曾莫  
殫於累紙酌芳椒以盈樽兮寘生芻而在篚遠  
不能脩此以奠君兮悵音容之已矣

送人

風寥寥兮黃葉飛黯栗冽兮寒蒲衣歷欹欵兮  
山逕微背晨霞兮送子歸子之居兮錦水湄樂

丹淵集 卷一  
莫樂兮奉庭闈凝流塵兮掩瑤徽知此音兮天  
下希

玉女

艷明霞兮體霏煙秀婉嫵兮靜嬋娟如龍之矯  
兮鳳之翩倏見光景兮忽自還乎杳然宅幽宮  
兮闕靈囷領群娣兮司寶泉福斯民兮千萬億  
年享豐祀兮期終山

登山

余將往兮南山路骯靡兮何高昧其適兮茫茫  
歷崎嶇兮嵯峨枳棘紛兮鈎衣解難進兮前阿  
指屢血兮險艱翳骨拂兮叢羅地虺結兮伺人  
復虎兕兮群嗥念失足兮安逝其悵恨兮柰何

丹淵集卷第一終

*[Faint bleed-through text from the reverse side of the page]*

陳眉公先生訂正丹淵集卷二

宋 蜀 文 同與可 撰

明 吳 毛 晉子晉

蜀 李應魁 務滋同叅

吳 吳一標 建先

樂府雜詠

秦王卷衣

咸陽秦王家宮闕明曉霞丹文映碧鏤光采相  
鈎加銅螭逐銀猊壓屋矜蟠拏洞戶鎖日月其

中光景賒春風動珠箔鸞額金窠斜美人却扇  
坐著落庭下花閑弄玉指環輕冰扼紅牙君王  
顧之咲爲駐七寶車自卷金縷衣龍鸞蔚紛葩  
持以贈所愛結歡期無涯

殿前生桂樹

童童彼芳桂藹藹生廣內靈根浹和液柯葉冬  
不改日月最臨照雨露偏汪濊願保剛勁質與  
君同萬歲

臨高臺

臨高臺望故鄉地千里天一方極目外空茫茫  
孤雲飛不我將安得羽翼西南翔

自君之出矣

自君之出矣弔影度晨夕中門一步地未省有  
行迹閨闈足儀檢常恐犯繩尺欲寄錦字書知  
誰者云的

東門行

士有失所偶難甘蓬華微拔劍出東門感憤不  
顧歸賢哉彼嘉匹逐逐牽其衣願同此饘粥節

丹游集 卷二  
義安得違況今謂清世不可復爲非

西門行

盛年可愛重芳辰宜嬉遊金甕釀醇酒玉盤炙  
肥牛青春九十日不可一日休勿自汨浩氣滿  
胷藏百憂君莫惜黃金黃金身後讎自古貪與  
吝常爲賢者羞

塘上行

寒塘漲新雨灑灑翠波滿沙晴步聲澁風引羅  
帶緩蒲牙如舌利荷葉歡心卷生平玉衣夢至

此神亦誕徒誦小星篇無人覺腸斷

釣竿

霜刀裁綠筠桂餌掛輕緡歛迹天地間側身江  
海濱悠悠寶帳夜寂寂烟波春何時投竿歸再  
與君子親

烏生八九子

南山有烏烏生子層崖巔戢戢新羽成相將弄  
晴烟朝饑集壠上暮渴來崑前託居深林中自  
足終爾年胡爲去所依無乃甘棄捐却愛庭樹



好群飛投碧圓高枝踏未穩身已隨潛弦因知  
萬物理王者持默權凡二愛此命生死期已然  
出入既有定何歎於後先

野田黃雀行

搥鼉鏗鯨宴瑤臺紅鷗毛翼春徘徊和風入坐  
賓主樂金觥玉豆天中來勸君劇飲莫自訴暗  
中光景能相催試看庭前好花謝枝下落多枝  
上開人生不厭苦行樂勿用感促相驚猜賢愚  
貞賤各有命此理悟者真賢哉

苦寒行

上太行兮高盤盤日將暮兮歲已闌入谷口兮  
出林端風慘慘兮吹骨寒冰霜結兮玉嶺岿光  
上照兮天色乾紛橫委兮草樹殘黯慄烈兮烟  
雲覆僕足鞞兮馬蹄抗望所舍兮摧心肝囊立  
空兮衣且單嗟道途兮胡艱難

苦熱行

黃人頓駕留天中金鷄吐火燒碧空炎光染雲  
聳岌岌旱氣爍土飛蓬蓬龍搖乾胡不作雨虎

丹清集 卷二 四  
裂渴吻無生風安得有術擘海水入底一扣鮫  
人宮

俠客行

紫髯圍碧瞳勇氣炙坐熱生平脫羈鞵少小服  
義烈堂堂吐高論牙齒若嚼鐵寶劍壓脰橫誰  
耻我可雪酣歌入都市當面洗入血常言荆軻  
愚每笑豫讓拙事已不受謝門前車馬絕自謂  
取功名馬能由筆舌

巫山高

巫山高高凝烟十二碧簪寒插天危崑絕壁已  
飛動況復下壓萬丈之蒼淵波衝浪激作深井  
虎眼徹底時一旋長風瀕湧發灑瀨惡色怒勢  
因誰然我欲截中流虹梁莫得施蝘蝓東西相  
遠望不到兩目欲斷心將穿回看高唐廟下灑  
靈雨遣我歸意常翩翩

水仙操

嗟哉先生去何所兮杳不可尋捨我於此使形  
影之外兮唯莽蒼之山林仰圓嶠之峩峩兮俯

大壑之沉沉長波瀕涌以蕩滴兮群鳥翻翻而  
悲吟寂擾擾之煩慮兮納冥冥之至音先生將  
一我之正性兮何設意之此深我已窮神而造  
妙兮達直指於素琴先生盍還此兮度明明乎  
我心

大垂手

華堂合樂轟春晝鳳叫龍嘶畫鼉吼瓊猊壓地  
開組繡美人舞兮獻君壽紅婆娑兮翠蚰蟻雪  
翻花兮風入柳曳輕裾兮揚綵綬金鸞飛兮玉

麟走入急破大垂手香檀扎扎江雨驟情凝力  
定方舉袖烟收霧歛曲徹後錦盈車兮珠滿斗

採蓮曲

綠纈襠紅繡裳衫盤蜂蝶裙鴛鴦雕瑰錯寶垂  
鬢長紫冑翠蓋行新粧蹁躑曲堤下回塘畫橈  
送入波中央羅袖卷起金釧光搖輕撼脆敲短  
芒丹瓊紺玉低復昂霑裊薄粉撲嫩黃蠶腰蛛  
腹絲颺揚列坐綵舫求比方笑聲吃吃動明璫  
挨蒲拂蓼次岍旁風吹落霞供晚涼西城鷓鴣

平流集 卷二 六  
啼女墻歸來索酒酌蒲觴吳屏蜀帳圍象床困  
臥不起燈燭張琉璃盃在叢生香

對酒

朝廷皦如日區宇清若水殊方文教達微品德  
澤被伊人復何幸遇此栗陸氏茫然大虛內烝  
鬱盡和氣直風浹敦俗無所容一偽唯宜對樽  
酒酣飲樂無事人間此昭世得偶須自負無為  
名所勞區區取愚謚

白頭吟

憶昔宴華堂金徽導幽意雖知取名賤越禮奉  
君子相期本同穴誰復耻犢鼻一見茂陵人烟  
霄與泥滓願言保新愛妾以甘自棄恩義薄所  
終多生於富貴

芳樹

庭前有芳樹穠陰滿軒碧莫惜更携酒醉此青  
春色朝來見鷓鴣飛鳴繞其側光景不可留徒  
遣君歎息

武溪深

丹淵集 卷二 七  
嶠南之武溪其深不能測潭潭滴瘴癘水色重  
如墨昏然潦霧作上下毒氣塞仰視高飛鳶跼  
跼墮兩翼交州惡女子制馭費銜勒伊余繆兵  
寄得總浪泊役常甘馬革死持此期報國臥念  
少遊言從之何可得

走馬引

群蹄踏空山半夜若風雨平明卽其地已復天  
上去惟予迫大義盍免以名捕蟠蝸入寒殼此  
豈謂安處脫身入浩渺固有神物護禮謂不戴

天天知天亦許

起夜來

曉牕明綠紗蜀錦壓春臥橫腮虎魄冷驚起新  
夢破玲瓏轉條脫縹緲梳矮墮高軸響銀床時  
誤君車過

長安道

長安道隋唐宮殿生秋草若使皆知嗣業難爭  
得行人望中老

王昭君

四首

不惜將黃金爭頭買顏色妾貌自可恃誰能苦  
勞力

其二

絕艷生殊域芳年入內庭誰知金屋寵只是信  
丹青

其三

幾歲後宮塵今朝絕國春君王重恩信不欲遣  
他人

其四

極目胡沙滿傷心漢月圓一生埋沒恨長入四  
條絃

吳趨曲

萬頃平湖水晴光射早霞紅裙鬪畫楫相結採  
荷花

又

岸上相將疊鼓催青翰齊上碧波開鷓鴣屬鴉  
不驚起慣見蘭橈日日來

又

蕩漾水中舟徘徊岍邊馬相看兩不語密意待  
誰寫

劉生

歷古推任俠彼劉生者何提槌擊朱亥引劍刺  
荆軻飲肆扶頭出歌樓棹臂過無人繼義勇關  
隴氣消磨

紫騮馬

翩翩紫騮馬爛爛黃金鞍流水四蹄急飛星雙  
目寒擁頭青玉鉞蔽臆絲絲鞞誰取交州鼓摸

將骨去看

驄馬

鬚鬣擁如雲西人號乞銀更逢桓御史特地起  
精神

丹淵集卷三終

陳眉公先生訂正丹淵集卷三

宋 蜀 文 同與可 撰

明 吳 毛 晉子晉

蜀 李應魁務滋同叅

吳 吳一標建先

詩五十七首

貴侯行

將軍功勳滿旂常昨日賜對開明光腰懸橐駝  
紫金鈕爵號進拜諸侯王戟衣翩翩弄春影大



第高門臨萬井但願囊書絕邊警常官中都奉  
朝請

朱櫻歌

金衣珍禽弄深樾禁蘂朱櫻斑若纈上幸離宮  
促薦新藤藍寶籠貂璫發凝霞作丸珠尚軟油  
露成津蜜初割君王日午坐倚蘭翡翠一盤紅  
鞞鞞

拾羽曲

新羅研紅裙禰齊綵縷刺衫花倒提新晴暖日

麗烟草金獸齧鎖藏春閨朱橋逼江曉沙白錦  
帶交風大堤窄蘭洲遺翎得殘碧歸來驚飛上  
嬌額

沙堤行

金吾馳騎東復西督兵萬指平沙堤傳言築路  
拜新相恐與九衢同一泥夜來上在蓬萊宿手  
寫姓名符夢卜連詔黃門下北扉趣草贊辭登  
力牧平明劔珮羅東閣大字滿行書德業謁者  
長言告紫宸感召一庭和氣合上心喜曰予良

丹波集 卷三  
弼未謝急宣令直筆群吏迎歸政事堂指顧之  
間歌畫一午漏初移催入馬寶帶盤腰印垂膺  
歸來冠蓋爛盈門異口同音賀太平

五原行

雲蕭蕭草搖搖風吹黃沙昏沉寥胡兒滿窟臥  
寒日卓旗繫馬人一疋夜來烽火連篝起銀鶻  
呼兵捷如鬼齊集弓刀上隴行犬譟狐嗥繞空  
壘羗人鈔暴爲常事見敵不爭收若雨自高聲  
勢叙邊功歲歲年年皆一同將軍玩寇五原上

朝廷不知但推賞

讀武紀

嗟哉徹之有天下甘心神仙希羽化五十餘丈  
起樓觀萬八千里走車駕安期羨門竟何在五  
利文成終死詐若非留意尚文學羸政且賢非  
爾亞

題東崑隱者壁

青峰叢叢擁危壑綠樹團團扶曲閣幽人睡起  
漱寒泉坐看一林山雨落岩前火氣雜芝朮澗

丹波集 卷三  
下苔痕亂猿鶴自憐塵土滿衣衫欲解從君今  
尚莫

東山亭

朝陽之峰乃天設曲嶺長崗地盤結下臨絕澗  
走縈回上聳巍亭飛巖嶮晚雲幾處水墨畫秋  
樹數番紅綠纈安能恰會此時間靜與詩翁吟  
曉雪

水邊春半

芹牙差差蘭笋短石渠冰銷水色淺倡情冶思

不可奈好鳥間關花婉婉鮮衫翠裾者誰氏行  
歌楊枝惜時晚臨流有客抱危膝苦調長謔問  
誰遣

採藥歸晚因宿野人山舍

東岩陰深崖巘古夾澗垂泉結鵝乳我來採藥  
晚忘歸試宿荆扉問鷄黍春風滿林燈火冷一  
夜不眠山月苦平明携策下青蒼松葉紛紛洒  
新雨

後溪晚步

丹波集 卷三 四一  
陰陰芳樹暗回堤路入蒙籠轉野溪澤雉應媒  
高復下林鷗引子歇還啼青蒲宛宛全淹水紫  
笋斑斑半出泥倚杖風前感時節亂烟斜日一  
蟬嘶

山中新晴

山中新晴曉烟暖散帶頽冠漱岩畔海鹽未去  
猿鶴喜柴桑初歸松菊亂林間餘雨時一滴嶺  
上飛雲忽雙斷安能舉手恣扶搖欲共高鴻拂  
霄漢

鹽亭縣永樂山叩雲亭

長江合高峰爽氣左右繞中流望絕巘萬丈見  
木杪孤亭揭其上隱隱一拳小李君令茲邑邀  
我升縹緲是時天宇淨晴色洗霜曉萬象滿四  
隅轉盼皆可了神清壓塵坌志適喜猿鳥人生  
貴軒豁世務苦紛擾茲焉獲登覽浩思欲飛矯  
令謂亭我爲勝絕此應少願子立佳號光輝飾  
松蔦因名之叩雲大字榜霞表

杜逸人歸龍山

上亭北望二百里頽巘墮壑圍龍山余嘗往來  
見之喜飲食夢寐皆孱顏恨無羽翼一飛到羨  
子長往不欲還安得擺手掉世故相與傲兀於  
其間

曉入東谷

振纓効王官釋耒去鄉縣十年始還此景物覺  
盡變東谷素所愛乍到若創見烟雲引晨策數  
里入葱蒨明霞照溪口花草露初泫長松盤高  
崗竦竦擢秀幹垂陰雜群木上欲接霄漢柔羅

互鈎鎖攬地走荒蔓修篁揭其間萬个挺若箭  
登臨愴舊歷眺聽悅新翫讀書破茅蘆屋約已  
漂斷唯餘舍南水尚吐石竇濺潺潺落危壑袞  
袞引飛練臨流濯塵襟照影寔覲面功名竟何  
所旅跡轉孤賤引手謝猿鶴深慙爾驚怨

東谷沿小澗樹木叢蔚中有圓潭愛之

久坐書所見

野水瀉古穴石岸盤回淵飛塵不可入竹樹圍  
清漣靜往得勝玩深居迓俗緣寒光照煩襟景

丹波集 卷三 六  
寂心自圓枯篁蹲碧禽垂頸窺沉鮮對之不敢  
動相望兩俱禪

東谷茅齋

野徑轉深密靜無車馬痕松花金粉墮苔菜翠  
茸翻蟲鳥春音雜烟雲晚色昏俗塵何處入長  
是掩谿門

夏樹

夏樹始繁密條縷方且柔左右覆吾廬合如張  
碧油新蟬噪晴午餘響藏深幽軒窗轉炎日清  
影爲我留蚊蚋亦取庇鬧若春雨稠拂揮不停  
手咀嚼胡爾讎何當薰風來一與掃蕩收吾將  
就高蔭濯足臨寒流

田舍

園林曉氣清籬巷夕陽明石竇聞寒碓烟坡見  
晚耕豚蹄供禱賽龜殼問陰晴欲識豐年樂一  
村雞犬聲

高槐

高槐夾前除合蔭卷若洞交柯載宿雨壓地翠

丹波集 卷三  
色重青蟲煖自挂黃鳥晴輒哢枕簟傲炎風爲  
君高興動

春閨

枕帶縈春思窻紗漏曉光蠨蛸傷遠別鷓鴣感  
流芳粧匣蒸殘粉薰爐試舊香洞房燈燭外只  
有夢悠揚

採桑

谿橋接桑畦鈎籠曉群過今朝去何早向晚蠶  
恐臥家家五十日誰敢一日墮未言給私用日

以應官課

青城山丈人觀

群峰垂碧光下擁岷僊家神皇被金巾坐領五  
帝衙威靈攝真境俗語不敢譁精心叩殊庭俯  
首仰紫華願言鳳羅盟畢世驅塵邪循奉藥珠  
戒期之飛太霞

上青宮

瓊臺橫紫霄上有縹緲居雲霞抱窻戶日月循  
庭除飛羽下金輦隱芝吟玉書俯首視人間人

間臭如帑

張少愚書院

澗水侵斷橋車馬不得通  
飛嵐積庭礎秋蘚垂  
紫茸窻紙爛溪雨簾衣拆  
林風主人殊未歸使  
我烟景空

誓鬼碑

正一受天籙腰垂神虎章  
群魔獄幽隱秘篆刻  
青蒼故事駭前志餘威驚大荒  
誰能識奧訣禹  
步學魁罡

天師粟

天師携此種至自上饒遠  
當時十七樹高幹倚  
孤巘蒼蓬蒺藜大紫殼  
檳榔軟蜀部名果中推  
之為上選

孫知微畫

太古竒偉士精思獨於畫  
馳心入茫昧萬物赴  
揮灑當時一名重顧陸  
非爾亞卓哉青城筆妙  
絕冠天下寥寥九天仗  
一一若神寫吾恐千載  
後是終無繼者



早晴至報恩山寺

山石巉巉磴道微  
拂松穿竹露沾衣  
烟開遠水雙鷗落  
日照高林一雉飛  
大麥未收治圃晚  
小蠶猶臥斫桑稀  
暮烟已合牛羊下  
信馬林間步月歸

楊山人歸綿竹

一別江梅十度花  
相逢重爲講胡麻  
火鈴未降真君宅  
金鈕曾盟太帝家  
道氣滿簪凝綠髮  
神光飛鼎護黃芽  
青驪不肯留歸馭  
又入無爲嚙

曉霞

閒遣

庭竹擁高叢  
移床就好風  
掩門休務外  
隱几坐忘中  
世事元何物  
人心了卽空  
客來休借問  
此意浩無窮

睡起

寥寥公館靜  
門掩似山家  
竹籬屢移枕  
石盤頻浸花  
閑多新得策  
事少早休衙  
一覺高春睡  
誰來伴試茶

梅

寒梅引舊枝映竹復臨池  
朶露深開處香聞瞥  
過時凌兢侵臘雪散漫入春詩  
贈我歲寒色憐君冰玉姿

永泰劉令清曦亭

木杪照初日捲簾知曉晴  
軒窗無限思圖史有餘清  
露下濛花重風來泛竹輕  
何須嫌五斗持此謝淵明

貧居

繩床擁敝裯初起髮未櫛  
南窗展書卷就暖讀寒日  
門前絕車馬薄暮垂片席  
短牆挂織蔓幽鳥啄紅實  
群蝸惡積雨繚繞篆空壁  
男兒處貧賤舉首宇宙窄  
翩翻槍榆鳩宛轉匿絮蟲  
妻孥競相咲憔悴守文筆

惜花

胡蜂採花花氣薄黃鳥啄花花  
蘂落林風吹花花片亂池水  
浸花花色惡少年惜花會  
花意晴張青幃雨油幕勸君  
直須為花飲明日春歸空

晚萼

正女吟

身外無一簪何以供鉛華飾行不飾容濁水白  
藕花藕心亂如絲妾心圓如珠絲亂端緒多珠  
圓瑕類無焉得偶君子奉之此高節所生雖至  
親此意安可說

莫折花

莫折花花好亦自喜勿謂花無言請以君心酌  
花意君容待花轉豐艷花枝因君愈憔悴莫折

花任花飛地但對春風倚芳樹長遣香英伴君  
醉

織婦怨

擲梭兩手倦踏籜雙足趺三日不住織一疋纔  
可剪織處畏風日剪時謹刀尺皆言邊幅好自  
愛經緯密昨朝持入庫何事監官怒大字雕印  
文濃和油墨污父母抱歸舍拋向中門下相看  
各無語淚迸若傾瀉質錢解衣服買絲添上軸  
不敢輒下機連宵停火燭當須了租賦豈暇恤

丹波集 卷三  
三  
襦袴前知寒切骨甘心肩耐露里胥踞門限料  
罵嗔納晚安得織婦心變作監官眼

野花歎

昨看百草抽新芽今看百草開新花岩隈水側  
自成列紅醜紫賤何交加東皇施恩豈不溥隨  
所付受無少差爾之瑣細亦蒙被盡使奮發爭  
春華織叢密蔓不可數競起塗抹如矜誇妖鶯  
冶蝶不爾顧去爾自欲尋名葩爾知有艷貴爾  
否歌管匝樹侯王家爾徒此地弄顏色只自狼

籍隨泥沙何當照水自窺覽枝赧菜懼相藏遮  
晚村無限曬殘日索酒爲爾成吁嗟

均逸亭

曾州三亭

亭宇跨城端新苔磴道盤風光晴水石烟景暮  
林巒薄領仍多暇賓從每盡歡何由掉塵鞅聊  
問借闌干

東溪亭

短笻逶迤渡高欄天矯沉波光環堵淨日色綵  
梁深萍荇翻金鯽蘭茗超翠禽主人公事簡時

丹浦集 卷三  
此照清襟

碧崖亭

斷巘淥溪邊危亭翠壁前軒窗誰是客詩酒自  
稱僊遠壑春藏雨長波晝起烟吏人休報事高  
興正陶然

送郭經知縣

促促送歸客短亭垂柳風離樽掩殘日去騎若  
輕蓬百里謳歌內三年畏謹中鄉人問蜀物笑  
指一囊空

過祿氏山齋

過水得憑檻蒲川皆夕陽江山逢勝絕手筆恨  
荒唐城郭蒙籠近汀洲杳靄長明朝又東去塵  
土入衣裳

題李處士月軒

圓蟾噴金波萬里灑清滴幽軒得虛敞皓彩溢  
素壁繩床有高隱苦調起岑寂盈襟納孤光靜  
與爽氣敵

余過興州太守晁侯延之於東池晴碧

亭且道其所以爲此池亭之意使余賦

詩

鄭谷題詩處荒涼不復知使君來問日景物欲  
歸時崖巘供清溜亭臺繞翠漪主人憐過客借  
與傲炎曦

蒲氏別墅十詠

風交蒲葦亂烟斷鳧鷖飛日暮一笛起扁舟垂  
釣歸

右方湖

軒窗曉吹清枕簟晴光冷亭上逍遙人滿身搖  
水影

右涵碧亭

通簾呈素艷入座薦清香何以陪暑飲對之飛  
玉觴

右白蓮堂

曉靄滋花色晴輝發水光何人露新纈不管著  
秋霜

右芙蓉溪

積水自淵淵來源常汨汨岸上翠衣禽對人時  
一沒

右魚池

紫蓋嫩貼水玉梢長刺沙避風紅出沒驚雨綠  
交加

右蓮池

溪光搖玉壁雲影漏金盤誰此伴高興畫橋憑  
曲欄

右清蟾橋

決水轉橫渠交媵畫方罫秋風報秋熟滿頃吹  
罷亞

右稻畦

高臺按虛境飛駕羅太空小兆佩神虎每來清  
夜中

右朝真堂

深深鄭真谷小小焦光廬日問貯何物滿床皆  
隱書

右草庵

丹淵集卷第三終

陳眉公先生訂正丹淵集卷四

宋 蜀 文 同與可撰

明 吳 毛 晉子晉

蜀 李應魁務滋同叅

吳 吳一標建先

詩五十一首

蒼溪山寺

正午風色高遂泊蒼溪縣層崖抱林木有寺藏  
葱蒨出舡步危磴蔭密頗縈轉上到金僊家綠



十洲集 卷四  
空列臺殿修篁掛懸溜坐覺炎暑變老僧曉經  
論言語何貫穿引我上高閣闌干俯江面寥寥  
百里內山水盡奇觀誰謂羈旅中所見皆所願  
汀洲白鳥聚井邑青烟散樂此暮忘歸踈鐘起  
岩畔徙倚下松門尚怪舟人喚

五里三灘

群石壅水成哀湍五里之地凡三灘舡如走丸  
勢不住力敵萬弩雲濤盤門窗掩塞怕飛浪已  
倒床座翻盃槃長年三老色自落揆眼不敢窺  
波瀾稍過撇漩出九死衆命幸免魚鼈食須臾  
出纜繫高岸競以好語相慰安是時左右有觀  
者應亦爲我心曾寒

督公漑

晚泊督公漑船頭餘落暉携家上岸行愛此風  
蒲衣村巷何蕭條四顧烟火稀問之曰去歲此  
地遭凶饑斯民半逃亡在者生計微請看林木  
下墻屋皆空圍好田無人耕惟有荆棘肥至今  
深夜中鬼火流清輝衆稚聞此語競走來相依

丹浦集 卷四 二  
錯莫驚且哭牽挽求速歸

王會之秀才山亭

盤盤翠城山君在城中住溪流第縈轉岡勢復  
回互蒼林無春冬啼鳥常旦暮漠漠嶺頭雲霏  
霏岩底霧中間列亭榭佳景實天付物象皆自  
然人巧誰能寓浮生欲何事有此卽樂處況君  
弟兄賢信道各已固詩書誨兒姪觴豆燕逢選  
敢問彼簪裾何如此巾屨

謝友人寄畫

客從長安來厚紙封小軸題云此奇畫寄贈公  
可蓄開之掛高壁爛絹止一幅中有兩駱駝氣  
韻頗不俗大駝載半駟正面頸愈曲小駝方就  
乳蹲身脚微跼一馬立其後才露頭與足三犬  
乃子母共臥啣鬻肉老胡抱朱旗狀貌何狼悞  
端然立高岸勢若不可觸定是虜中酋華旃蓋  
鮮服不知何所來隨從無一僕初誰作此畫精  
妙亦可錄應餘右方在次第不止獨更願君訪  
來我肯萬錢贖

丹波集 卷四 三  
夏日閑書墨君堂壁二首

先人有敝廬涪水之東邊我罷漢中守歸此聊  
息焉是時五六月赤日烘遙天山川盡慘燥草  
木皆焦燃塵襟旣暫解勝境乃獨專高林抱深  
麓清蔭密石綿層岩敞戶外淺瀨流窻前邀客  
上素琴留僧酌寒泉竹簟白石枕穩處只屢遷  
忽時乘高風遠望立雲烟野興極浩蕩俗慮無  
一緣氣爽神自樂世故便可捐却憶爲吏時荷  
重常滿肩几案堆簿書區處忘食眠冠帶坐大

暑頽汗常涓涓每懼落深責取適敢自便安閑  
獲在茲恍若夢游僊行將佩守符復爾趨洋川  
山中豈不戀事有勢外牽尚子願未畢安能賦

歸田

其二

歸來山中住便作山中人冠帶亦自閑累月不  
着身散髮層岩阿濯足清澗濱石蘚黏簡冊松  
風墮衣巾鄉里多舊游不厭過從頻山肴與野  
釀待我如佳賓有召卽走走赴愛其愛我真常恐

禮數乖取問吾交親正此一夏樂忽茲邁蕭辰  
還愧擁千騎又走西道塵

送馮允南倅梓

去年父老送督郵衣上淚痕猶未變今年吏民  
迎別乘馬前懽聲挽不斷梓州城中十萬家家  
家盡喜見君面以君鄉里最相近物態人情素  
諳練況復才力強且明中理之的無漫箭從來  
府政號少事今更得君愈清簡太守李公詞掖  
老淘汰心源無滓澱時携賓從訪山寺惟以高

譚侑清冥蒼崖素壁多自書是處新詩題欲遍  
君今到彼亦爾爲異日唱酬知幾卷

宿東山村舍

是秋粟爲白蟲所食  
蟲復爲群鷓所食

八十雪眉翁燈前屢歎歎問之爾何者不語惟  
技淚良久云老矣未始逢此事種粟滿川原幸  
已皆茂遂喜聞欲登熟近復失所冀有蟲大如  
蠶日夜嚙其穗群鷓利蟲食剪摘俱在地驅呵  
力難及十止餘三四供家固未足王稅何由備  
堵土耕至骨所得幾何利又令遭此禍不曉上

丹浦集 卷四 五  
天意在世幸許年必以饑饉死聞之不敢詰但  
愧有祿位移燈面空壁到曉曾不寐

季夏巳亥大雨

黑雲推空天地昏風勢猛惡山岳掀怪電燒爇  
噴霆喧鯨海起立星漢翻玉竿銀索傾鉗盆豪  
威怒力凌軋坤川陸浩渺同一源泛濫直欲浮  
高原澗谷洶湧龍蛇奔溝渠溪壑相吐吞土肉  
刮盡惟骨存漂蕩秋稼無一根天生烝民主仁  
恩覆露養育生理蕃誰持害鑰開禍門絕滅忝

豆災元元無路能去陳九閹此事是非安可論

謝任遵聖光祿惠詩

常念文選詩最愛顏光祿君今作此官詩亦顏  
之躅尋常得君詩如隼饑見肉凡當憂憤際不  
可不取讀我自山南歸幽居值炎溽六月久不  
雨萬物蒸煑熟正在墨君堂流體汗可掬單絺  
與圓素豈解療煩毒聞君有詩至猛起捧大軸  
拆開得累紙半日了一幅使我困病除如藥清  
頭目把詩坐前軒憤惋幾欲哭君也實高才徑

丹湖集 卷四  
庭無骯曲六十尚爲縣不自耻碌碌近聞移小  
麾所用愈局促安得長康莊走此老驥駮哲士  
甘藜藿鄙夫厭梁肉天理不可問長吁倚喬木

謝任瀘州師中寄荔支

有客來山中云附瀘南信開門得君書歡喜失  
鄙吝筠籛包荔子四角具封印童稚警聞之群  
來立如陣競言此佳菓生眼不識認相煎求拆  
觀顆顆紅且潤衆手攫之去爭奪遞追趁貪多  
乃爲得廉耻曾不喧鬧俄頃聞咀嚼一時盡

空餘皮與核狼籍入煨燼

霹靂

六月四日有  
父子被震者

君不見前時忽疑天地坼萬里一聲晴霹靂彼  
某氏者爾何人敢自欺誣被誅磔子爛華容神  
火燎父碎梓潼靈礮劈惟震與曜今曉然誰對  
君親肆姦逆

後溪

新晴揉藍染溪色我愛常來坐溪側一林奇石  
宛如畫兩岸野花殊不識蟬鳴盡日競何事鷺

丹淵集 卷四 十一  
下多時猶未食細觀物理須靜中歸去無辭更  
昏黑

黃功垂秘書嵐城閣

群峰繞高軒四望如城密晴嵐逼窻戶淨若新  
洗熨杳杳其中人衣襟照寒碧臨風設橫几蕭  
灑坐終日門前車馬道擾擾亂如蝨轉眼不復  
觀長歌傲簪紱

鳳山古祠

林木摧折堂廡傾其中堦像猶縱橫狂巫騰踏

野老拜瘦雞薄酒邀神明形容詭怪蛇虺亂聲  
音醜惡鴟梟鳴災牛禍犬亦可作世有此事何  
由平

靜中吟

客去復掩戶高松下清陰微風動其間對語雙  
珍禽幽人獨凭几聽此古意深起來南窻下被  
以朱弦琴彈之代佳話俚耳誰知音

送黃庶先岷州赴舉

朝庭取士及洮西君今去就岷州薦男兒致身

自有地六月萬里君莫憚君也經術三十年此  
發必中后拜箭聲名大抵重文章慎莫便從班  
定遠

大熱見田中病牛

壟上病牛良可悲皮毛枯槁頭角垂兩鼻舐舐  
只自喘四蹄劣爰曾不皮牧童默坐罷牽挽耕  
叟拱立徒嗟哈朝驅暮使氣力盡爾死主人安  
得知

呈里中諸友

君莫怪我不讀書君莫笑我不飲酒更精文史  
豈足用漸老懽娛復何有負郭安得二百畝舉  
家已聚三十口且來伴我數月閑未幾區區又  
西走

寄彰明任光祿遵聖

軒軒任公子本是釣鼈人手把虹蜺竿一舉百  
萬鈞得鼈謂無用坐卷千丈綸却自絰蚯蚓淺  
瀨收纖鱗悠悠世上兒不識此有神但將俗士  
眼下視窮水濱



庶先北谷

路自西溪入園當北谷開月亭詩作客雨館睡  
爲媒摘菓衣霑露尋泉屐漬苔閑居正無事莫  
問我頻來

謝王庶軻秀才見贈諸篇

覽君山中詩多有贈我篇感此意愛厚使我將  
潛然世態日衰薄交道君獨全豈若賤丈夫心  
醜貌甚妍我已嬰組綬君方傲林泉出處雖有  
殊所樂同一天

前溪獨遊

溪水碧溶溶紆餘短約通小灘晴靄外獨鶴夕  
陽中倚仗對清瀨披襟當好風幾時歸住此長  
下釣魚筒

書綠帷亭壁

喬木繞舍如綠幃群山四面寒參差春禽入秋  
啼自別早雲到暮歸常遲庭前好菊勸飲酒案  
上佳紙邀吟詩閑居數月興便野渾忘簿書枱  
聒時

青山道

冥冥青山道叢木含古烟遠客事行役未晚不  
敢前乳虎正養子采食大路邊但顧已所急其  
誰辨愚賢

野老

野老扶白頭耕墾事田壠豈無兒與孫凍餒實  
我恐地產止數出財用知幾種食肉與衣帛賢  
者何言冗

誰氏子

縹緲誰氏子學道要昇仙人世豈不樂何苦求  
上天反首顧我語子豈得謂賢智如撲燈蛾甘  
就膏火煎

秋興二首

晨風吹茂林夕露下芳畹秋容變憔悴復此白  
日短蕭蕭歲華暮冉冉節物換浩歎倚前楹使  
我心曲亂

其二

百蟲感秋陰入夜聲更切問爾苦何事到曉啼

不歇盈庭不可止  
蒼葦藏萬穴  
會是天使然  
相將送凋節

書平泉草木記後二首

衛公當國日  
力與天地均  
平泉植草木  
取盡四方春  
海嶽欲必得  
亦能役鬼神  
可笑身未冷  
已聞屬他人

其二

公豈不聰明  
嗜好乃如此  
若非以私餌  
是物安至止  
彼致者何人  
定非端潔士  
草木固爲塵  
醜

名終未已

重過舊學山寺

當年讀書處  
古寺擁群峰  
不改歲寒色  
可憐門外松  
有僧皆老大  
待客轉從容  
又下白雲去  
樓頭敲暮鐘

書隱者壁

枳棘分三徑  
猿猱結四隣  
茂林修竹地  
枕石漱流人  
看雨楮藤杖  
迎風卸葛巾  
我來懷愧甚  
衣上有紅塵

訪古寺老僧不遇書壁

寂寂復寂寂門前苔蘚積巾鉢定何之禪房封  
屈膝蛛絲網窻戶蝸涎篆牆壁欲去重遲留空  
中望歸錫

村居

日影滿松窻雲開雨初止晴林梨棗熟曉巷兒  
童喜牛羊深澗下鳧鴈寒塘裏田父酒新成餅  
罌饋隣里

宿田家

日落雲四起牛羊下高原今夜宿何處孤烟生  
遠村寥寥岩狖響擾擾林鷗喧危坐欲終夕此  
意將誰論

大熱

大熱早復暮幽居如火圍更無風稍快只有汗  
頻揮袒露憂生客沾濡怕熟衣何當生兩翼直  
近廣寒飛

閒樂

晝睡忽過午好風吹竹牀溪雲生薄暮山雨送

微涼粉裏衣裳潤蘭薰簾席香歸來閑且樂多  
謝墨君堂

寄楊歸一

出處久異矣居常勞所思烟霄惟子未鬢髮已  
翁爲世故豈須問人生當自知林泉聞幸好足  
可樂明時

行李載書成詠

於世已無用何苦愛讀書自咲身許大所處如  
蟬魚編簡補斷爛卷軸收殘餘又鑽十餘篋作

數隨行書

還友人詩卷

作詩所患格不高君今已得詩中格吾鄉風物  
最清麗君向其間作詩客定餘絕景在幽深更  
欲煩君用刀尺

上亭北軒對月吹笛得才元舍人昭華

引醉霜月草堂吟皆詩譜也

三首

瀲灩金波瀉碧空隔霜寒影下征鴻夜深一笛  
昭華引吹滿千岩萬壑中

其二

群山暝色烟開後  
遠水寒光雨過時  
今夜何人醉  
霜月臥聽緱嶺玉參差

其三

涪江東岸有雲林  
巒嶺縈回澗谷深  
何事遲留未歸去  
強顏猶唱草堂吟

苗子居運判歸宿州同赴武康西縣道

中奉寄二首

霜風舞征袂  
有客去符離  
斜谷雪晴後  
曲灘水

蒲時亂山誰對酒  
孤驛獨吟詩  
不得陪清絕  
悵然空所思

其二

漢中爲會失兼程  
雨雪曾無一日晴  
杓項橋頭聊立馬  
使車應已過褒城

孫懷悅紙本亂石

孫老抱竒筆  
臨紙恣揮灑  
從頭掃亂石  
礫砢隨墨下  
焦頑與圓潤  
無一不精者  
誰信萬鈞重  
卷之不盈把

熙寧辛亥歲春予自京師赴陵州因過  
家省墳墓是時見所居東西長衢比戶  
競取榆栽列植於官道左右者後移興  
元滿替復歸待洋州闕始四年爾而榆  
已高大繁茂深密可愛予正得此過一  
夏旦夕與諸親友優游於其間蒙庇厚  
矣閑因作詩示諸君

昔我去守陵陽日門前夾道初種榆今年我自  
山南歸向椽大者皆枉麓兩邊合陰若深洞滿  
地清影繁如鋪是時暑氣正炎酷無處容此煩  
病軀晝搖清風夜篩月日日不可離群株閑邀  
親友坐其下左右間設琴與壺人生適意乃爲  
樂此樂已恐他更無霜飈未起枝葉在且與諸  
君同此娛

旱雷

夏旱亦已久衆懼非常災茫茫太田中赤風起  
炎埃密雲徒滿空甘澤竟不來但聞南山下日  
日喧怒雷

久不雨喜見晚雲

晚雲萬丈如銀山日光返射紅孱顏莫誇突兀  
在天上且放霽霏來人間雷公施力已憤怒風  
伯壞事休庸頑我將待之至夜半慎勿更似前  
時慳

丹淵集卷第四終

陳眉公先生訂正丹淵集卷五

宋 蜀 文 同與可 撰

明 吳 毛 晉子晉

蜀 李應魁務滋同叅

吳 吳一標建先

詩五十一首

賈佩蘭歌

綠髮憶新梳君前侍玉壺相隨五色鳳飛止帝  
宮梧鳳時入紫烟一舉萬羽趨乘風恣教盪衆



首傾雲衢帝旣天上行留鳳不與俱鍛翮下永  
巷髡鬣編鉗徒赭衣春且歌北望鸞鷲呼凜凜  
亦喙鳩一盃死其鷓鳳亦飲瘖藥鞠域支體殊  
娥姁豈不仁幸此全賤軀歸來南山下秋風裂  
羅襦寒床覆龍具霜雪侵肌膚忽自感時節臨  
風只長吁徒懷掖庭事飲泣對民夫

徐太元

彼徐太元者杭州之叅軍同僚曰張惠犯賊抵  
深文徐哀其母老詣獄輒自陳謂惠所受賊太

元本同分今儻獨坐惠此獄無乃冤均之不滿  
法惠遂減死論太元亦坐免不調十餘年西臺  
李侍郎典選世所賢聞徐之所爲特以不次遷  
擢授鄭司功太元名始傳後爲申王師德行人  
推先嗟哉後世人恩義日不完初旣同職事言  
色殊相歡諂酒與佞食旦夕同杯盤一有不得  
意艱險立萬端推之入網羅又以毒箭攢昂然  
了自得銜露其術全此等雖曰人犬彘曾豈然  
眼見與耳聞天下何可言我今作此詩中有二

義存欲使在位者此風幸相敦勿令有識人命爾為蝎虻又欲彼正士為國掌三銓須察此惡子廢斥入冗員自然此浮薄不長其姦根覽者請味之勿罪其言煩

蓋寬饒

次公清而狂其本出天性惜哉公廉質不以儒術正陷害公峭刻奸犯語堅勁在位及貴戚會然仇怨盛稀遷愈失意躁戾因以逞王生識其趣勸以全壽命胡為不開納封事轉凌橫五帝

官天下此語豈君聽上怒以不改章下求眾定確然金吾奏直以大逆訂雖為鄭昌頌萬嫉掩一諍遂爾屬諸吏羞復受笞榜行當北闕下輒引佩刀剄時雖眾所憐終為端士病

諸葛豐

少年名特立初為貢公起元帝擢司隸刺舉無所避間者何久濶京師語如此馳車下許章去節自豐始上書擿章惡此舉誠可喜奈何少恩怨春夏常繫治人多訟其短遂徙城門尉復列

堪猛過上爲之切齒制詔白其罪不忍下豐更  
豐初在朝時數道堪猛美失職乃自取不內省  
諸已反感怨其他轉譽以爲毀不欲加以刑上  
憐之老矣庶人終於家反覆豐可耻

新津退思堂

三江古劇邑入籍生齒夥詞源百端起區處不  
可惰子醇爲之宰幽隱照必破斷事精且密有  
若麥歷礪尙懼忽一失退卽此堂坐戾者思改  
易無使下罹禍如此凡二載不識有纖過賢哉

今之師敢以此爲賀

墨君堂晚晴凭欄

墨君堂中看新霽十里平林鋪淨綠青烟一去  
抹遠岸白鳥雙來立喬木戴勝入園蠶已老栗  
留過隴麥將熟坐待月破東嶺雲自取簾鈎更  
高軸

山舍早起探晴

山鳥轉晴日獨行風滿林澗花薰野袂岩水濺  
幽襟側石驚新滑垂蘿愛近深蕭然此清興不

丹波集 卷五 四  
似戴華簪

東谷獨往

久不到東谷晚晴欣細履陰陰夾路木濺濺落  
溪水幽澗界屏粉亂喙刻窻紙兀坐忘所歸烟  
雲逼人起

西嶮道友

西嶮入深窅幽茅藏隱仙虛窻畫雲篆淨几校  
靈編絕巘聳玉幹危岩瀉珠涎相留飢青餽人  
世凡幾年

送李野夫兼簡公擇學士同年

吾友野夫官滿歸峽中風物正春時莫因道路  
起長歎且對江山吟好詩異日滑臺君若到寄  
言別乘我相思聲名已重更論底但引冰堂金  
屈卮

任居雲樓枝閣

峩峩仙鸞山杳杳山上閣道傍問耕者居雲之  
所作居雲侗儻士韁鎖不可縛讀書三十年議  
論寫不涸縱橫入衆藝深曉不止畧自笑與世

踈回首念岩壑安排事幽隱終老期此託結茅  
 層巒巔退比籬下雀棲枝榜其號意豈羨鵬鷃  
 時茲入岑絕寄憤滿寥廓江風拂危欄澗月滿  
 踈箔獨橫古溜琴居雲琴名遠意追淡泊蕭蕭履霜  
 操隱隱天外落履霜居雲之所好彈者飄揚雜仙籟泛響  
 度林薄其誰共高興唯此猿與鶴願言解塵纓  
 一赴方外約

朱康叔郎中棄官求母於金州因會華

清宮作此詩送之

蟠桃實在枝蟠桃花已飛相隔五十春一旦還  
 相依康叔視金龜解去如糞土徒步入堯關金  
 州取其母古人亦有此比之康叔難幾時有古  
 人能如公棄官玉蓮仙宇中相會談此事使我  
 發驚歎達曉不能寐借問侍安輿輦下何時過  
 我欲率諸君扶服詣門賀

蓬溪蘓令均利泉

潛流蔽荒壤嘉惠鬱所施邑人念遠汲視此無  
 以為蘓君作之今大利收前遺一日會眾錡茲

烏發清漪既已就新甃瓶正何纍纍盡言彼汗  
濁豈爾同甘滋比戶獲美飲頌君皆一辭何以  
紀君德是泉無涸時

冤婦行

婉婉西隣女韶顏豔朝霞淑性自天與少小傳  
令嘉孝愛親黨重巧慧閭里誇其母最嬌憐看  
若眼下花自從掙冠笄未始離窻紗讀書佩箴  
戒舉止無纖瑕求媒不自審得壻非良家如以  
瓊樹枝使之並蒹葭憶初行嫁時遺贈矜豪華

明珠感袿襦雜寶裝簪珈餘貲詎可數但較輦  
以車其姑本寒種貪壑常啗訝得婦不問好求  
索惟無涯侍奉四五年叫物愈餓鴟百欲一不  
應用毒同虺虵豈惟被詬辱抑亦遭笞撻馳使  
執賤役課責日夜加手指盡禿疥鬢髮仍髣髴  
一旦不任事病骨枯若槎委頓臥在床尚爾磨  
怒牙既死亦不顧但恣攫且拏聞之道路人涕  
泗而咨嗟養女擇所適此事寧輕耶家法要相  
委在邇不在遐娉禮貴得中尚約不尚奢尊章

若慈仁至死甘苧麻請看西隣女一失千里差

林居

宿髮未暇梳林居且辰詣鮮暉散清滴濕濕滿  
衣袂仄行蓋前礙傾視因遠翳野意浩盈懷曾  
忘傲公退

墨君堂

嗜竹種復畫渾如王掾居高堂倚空岩素壁交  
扶踈山影覆秋靜月色澄夜虛蕭爽只自適誰  
能愛吾廬

鑑崖

山居有青崖  
平滑如鑑

層崖瑩青瑤冷滑不可捫秋光發淨照林影搖  
晴暎飛瀑滌吟肺垂蘿清飲魂惟憂漬愁霖碎  
鮮來相痕

宿超果山寺

荒途涉沮洳危嶺升坡陁愛此清淨居不倦來  
徃多山僧見余喜顛倒披乾陀引我坐前軒山  
果丹碧羅食已步野徑新柔踏晴莎就石枕古  
稜依松執長柯是夕乃宿此東山吐圓波夜久

十洲集 卷五  
不能寐禽蟲伴幽哦達旦鳴落葉固非俗士歌  
岩猿與谿鳥應笑頻經過

富樂山海師

上人者何人富樂之禪客成都昔嘗見時已坐  
法席別來二十年嗟此出處隔昨過芙蓉溪捨  
檝得携策盤盤轉危磴上叩金仙宅林間識孤  
標梵眼老愈碧引我翠壁下煮茗拂蘚石問之  
第二月雄辯發古譯無由從之遊不得蒙久益  
翻然入塵闈俛首愧名跡

彭州南樓

百尺壓城端飛簷欲上搏湖光槎埤坵山影轉  
欄杆秀野含春煦喬林擁暮寒回頭大嶠雪千  
仞玉嶺岏

大慈交師演古軒

萬法一軒中周回百座容曲燃簷蔔久橫揭貝  
多重信士供晨鉢門人集午鐘何時聽雄辨幾  
柄換庭松

新晴後溪樹陰灑然覽景成韻



丹淵集 卷五  
雨後溪水急晴光鬱如浮高林放繁陰黹黹幢  
蓋稠麥熟桑椹好撩亂黃粟留咿咿動新蛸局  
局啼乳鳩晚策貪靜境緩帶成獨遊照影俯回  
淵濯足臨漫流願言懷世慮逐此蕭灑休定知  
今夕夢不作塵土憂

黃秀才北郊書堂

吾邑固僻陋巉巉合群山苟無賢者居孰能營  
幽閑黃子治北郊勝絕收其間長溪斷谷口巖  
譁隔塵闌始至甚夷曠漸往頗險艱洞穴烟雲

昏澗壑松桂環幽芳自芬馥野晁常綿蠻繚磴  
挂絕壁孤豹飛遙灣氣象奪天與景物搜鬼怪  
築室貯群籍軒窻面巖顏朱黃列几按坐把古  
穴刪自取天爵高下視五兩綸處心固已定詎  
恤時輩訕伊余素無似謬入文墨班前得省親  
歸屢此容追攀時亦竊講議始蹈賢聖關譬之  
拉虎豹所得纔一斑自愧鄙樸姿得涉道誼寰  
余亦有東谷對此何格頑每來輒盡日須步明  
月還

讀楊山人詩

秋高群山空衆巖吐天竅霜飈擊林野岩壑起  
哀喞蕭蕭寒月下合若萬鬼嘯疑是太古魂幽  
幽此中弔山人住中巘側耳得清峭譜之入文  
字滿卷冷雪照其聲太淒楚勁澁皆古調俗尚  
正淫靡惑者自夸耀山人持之歸無乃取衆譙  
曾有知此音相逢當一笑

已師竹杖

已師杖竒竹坐亦不去手循摩瑩且賦瘦骨何

物繆叢枝抱竒節兩兩相對走尋常出孤梢上  
下分左右如何此獨異天產固非偶師初得之  
誰此實世未有不爲師所用亦共衆植朽願師  
勿棄置珍之比靈壽

晚至村家

高原磽确石徑微籬巷明滅餘殘暉舊裾飄風  
採桑去白袷卷水秧稻歸深葭繞澗牛散臥積  
麥滿塲雞亂飛前谿後谷暝烟起稚子各出關  
柴扉

雨喜客過

積雨無所詣十日不出屋故人念端居牢落如  
槁木高軒過窮巷下馬想慰沃載酒醅楊顏裹  
飯飽桑腹日暮從者散還尋舊書讀

墅居

不復入城市亂山圍一村雲霞供几席水石佐  
琴罇病久筋力緩眠多頭目昏無人來谷口苔  
鮮上松門

東窻

叢榆落碎鈿蔓柳樸輕綿麗晚暗紅霧曲堤橫  
翠烟嘉樹正陰合好禽新語圓東窻日已滿猶  
托隱囊眠

大雨

驚雲駕長風大雨灑九有崩騰百川倒豪怒一  
雷走茫茫草木亂隱隱岩谷吼高閣晝眠人覺  
來但支肘

芹歎

清霜入寒溪水迹落一尺飛沙上芹菜脆卷如

燎炙孤根抱生意春澤守遺瀝願奉野人薦充  
君盤中實

憂居

憂居向山林蟲鳥日爲伍形骸乍摧剝骨肉慣  
辛苦蔬盤羞客至病榻厭人語地僻誰往還閑  
門閉深雨

任氏鳴璫橋

清谿漱碧崖袞袞寒聲落子川愛溪聲架橋橫  
絕壑山風撼松月倚檻聽噴薄遂號曰鳴璫古

人無此作

過友人谿居

籬巷接菰蒲閑扉掩自娛水蟲行挿岸林鳥過  
提壺白浪搖秋艇青烟盖晚厨主人誇野飯爲  
我煮新蘆

江上主人

客路逢江國人家占畫圖青林隨遠岸白水滿  
平湖魚小猶論尺鷗輕欲問銖何時遂休去來  
此伴潛夫

詠月

見說樓臺滿玉波中間惟只鎖嬌娥可憐八萬  
二千戶每到缺時爭奈何

五十

生平曾不事悠悠倏忽年華五十秋宦意文情  
俱淡泊可憐渾似李蒙州  
攬照  
耻將衰晚競青春強把圓波拂曉塵自笑年來  
鬚鬢白王昭不解作官人

梁景和

隋氏廷中列百官幾人風節動朝端越公事勢  
炎如火獨有梁毗會忍寒

何桂林

十萬餘工造羽儀夾堤浮浪去參差堂堂送入  
江都去渾忘當年攬頸時

鏃吏

管馬心何在排車意自閑問時將手板柱頰對

西山

錦屏閣

閩州東園十詠

茂林斑若錦秀巘轟如屏底處供登覽闌干在  
杳冥

清風臺

無時來見襲有地更臨高坐客清談起紛紛落  
塵毛

四照亭

畫箔褰何礙珍叢發已圓願公皆遍賞莫為一  
隅偏

柳橋

接風誇晚態垂雨怯春寒為問題芳意同誰倚  
畫欄

曲池

水似珠璫入池如玉磬開臨流唯自適魚鳥莫  
相猜

明月臺

微稜生海角圓魄到天心共上唯佳客無容照  
俗襟

三角亭

合棟交生角回欄互引牙由來因地勢不是故

尖斜

花塢

絲繞穿紅萼爛斑踏紫苔誰將錦步障端為使

君開

藥欄

玉笋齊抽日金缸競列時自然俱可愛莫放盡

簾垂

陳君公郎中庵

已築環為堵仍裁月作床公來時隱几身世在

羲皇

丹淵集卷五終

丹淵集

卷五

七





丹淵集 卷六  
可百人受洪鍾誰倒仰巨甕忽側剖層岩寒泉  
飛絕巘怪樹走陰風喜復怒野霧吞且嘔晴嵐  
逼衣襟欲住不得久嘗聞耕者說自昔藏蚘螺  
當年救旱事有記刻不朽近歲靈恐歎百禱無  
一偶至今閭里人不復來奠酒

和仲蒙山城

大曆年忠武居幽捍逆氏盛平民營板堵斷賊  
閉遠蹊連櫓橫朱鳥飛墻切紫霓縈紆圍絕巘  
靡迤附深谿外濬池隍險旁聯保障低輶輞防

蘭石埤堦礙雲梯樹杪鳴巡鐸崖端響守鞞石  
頭何培塿龍首太醯雞歲久蒼苔上時平白草  
齊全秦襟帶地惟此壯山西

和子山春日雨中書事見寄 二首

苑苑冥冥雨氣沉一春長是詠春陰鷺歸盡棟  
簾櫳靜鷺下雕欄院宇深鬪草玉釵應復約看  
花金勒悞重尋謝郎風調將誰奈獨倚書床擁  
鼻吟

其二

丹湖集 卷六  
青春已破六十日正好共携歌管遊鶯花有意  
欲惱亂風雨何事相淹留南園綵棚映綠樹西  
湖盡舫臨清流幾時雲陰得歛霽願把一罇相  
獻酬

馬子山爲余與賀順之書記李仲蒙察  
推同年同幕作題名記復有詩督程適  
之書石余因和兼謝

太常舊得同科第幕府今還次姓名作記馬周  
文已贍書丹程邈隸尤精定知二美能傳久從

此三家覺轉榮每對雄詞觀健筆自慙孤迹附  
群英

官舍春日書懷 二首

自趨戎幙佐鞬橐四見新陰發舊柯學飲不成  
歡意少好吟無倦苦心多舞傷池柳風圖甚泣  
破庭蘭雨奈何敢對青春歎留滯且須開口更  
狂歌

其二

琵琶泉水碧溶溶又見春歸玉柱峯歡緒已闌

平泚集 卷六 三  
羞老大交期將近懶遊從杏開暖萼融紅蠟柳  
放晴花拆白茸賦得上林佳景盡不知誰爲薦  
臨卽

登邠州城樓

試此望搖落秋襟成惘然客懷傷薄莫節物感  
窮邊斷燒侵高壘微陽入晚川年來舊山意常  
與鴈翩翩

秋盡日陪諸友登白佛閣

危刹隱高阜孤軒橫碧虛登臨賞秋杪笑傲樂

公餘野外景入畫坐中歡可書重城已嚴鑰歸  
馬尚踟躕

極寒

燈火宜冬杪圖書稱夜長簾鈞挂新月窻紙漏  
飛霜酒醴慙孤宦皮毛逐異鄉誰知舊山下梅  
艷滿東墻

謝惠橘

緬菜隱朱實纍纍楚江溼寒香摘清露奔走寄  
迢遞琳腴滿金殼咀嚼想佳惠君未致此時風

已吹削肺

登山城書事

節物感羈旅連空生塞陰亂鴻寒渚遠群雀晚  
叢深霜重涇灘出烟高隴樹沉歲華徒自老幽  
憤滿登臨

送夏殿直

時婿於李璋太尉

霜樹東門曉清寒滿客衣一樽從此別百兩幾  
時歸漆水魚初薦梁園雪正飛高堂今遠郡須  
念報春暉

送錢規判官歸蜀覲親遂之岳陽

嚴風吹玉柱有客動歸裝古道轉危阪全家行  
曉霜休嗟遊薄宦且喜拜高堂會合知何所春  
江泛楚艍

和梨花

素質靜相依清香暖更飛笑從風外歇啼向雨  
中歸江令歌瓊樹甄妃夢玉衣畫堂明月地常  
此惜芳菲

山櫻

巖壁自叢叢年華寂寞中偶因移曉雨似欲占  
春風嫩菜藏輕綠繁葩露淺紅孤根知幸否從  
此對雕櫳

秋子

裊裊復翻翻封條壓樹繁群芳非姊妹亂實見  
兒孫蔭日臨虛檻披風拂短垣主人無奈爾常  
爲醉幽軒

桃花

種近短墻邊開臨小檻前倚風無限意笑日有

餘妍枝輒圍深密苞穠墮碎圓祇應芳樹下時  
見武陵仙

杏花

仙杏一番新妖饒洗露晨待粧憂粉重欲點要  
酥勻月淡斜分影池清倒寫真君須怜舊物曾  
伴曲江春

秋日寄呂永壽微中

落日照容谷寥然官署秋開簾臨絕巘凭几對  
寒流古意深中得詩中靜外遊三年多少景滿

篋是冥搜

吟春

春工運潜巧是處有行迹  
庭梢發新穎巖溜融  
暖脉晴湖影撥刺曉樹音格磔  
須知玉峯下日  
有尋芳客

琵琶泉

險道入幽邃深溪轉岑寂  
蒼烟鬱孤岩秀石圍  
斷壁古蘚髿碧潤寒泉灑  
清滴誰能厭塵襟  
茲  
可供洗滌

和子山種花

五首

風流從事季長家  
遶徧官右種盡花  
應爲清才  
無比敵擬將文彩競春華

其二

碾薄秭圓粉色匀  
一枝寒艷惱青春  
曉來帶雨  
四廂下恰似蓬來見太真

其三

曾宴瓊林爛熳紅  
寶津樓下看春風  
今朝忽向  
君家見猶憶當年醉眼中

其四

幾樹山櫻曲檻前  
花開如火紫如烟  
待將短句誇形似  
已被休文道欲燃

其五

新自涇州趁雨移  
便開繁萼擁芳枝  
紅霞照地清香起  
似到玄都觀裏時

和張屯田雪中朝拜天慶觀 二首

款款遙空墮碎瓊  
一街寒色曉風清  
題輿想入簫臺下  
似駕鸞輪向玉京

其二

寶幢珠節共玲瓏  
九虎嚴關有路通  
遙望玉宸端象簡  
宛然身在廣寒宮

送酒與呂令答所示詩 二首

君無彭澤五十畝  
我有謫仙三百盃  
聞道山中足春意  
滿壺聊為撥新醅

其二

見說西溪裏  
群花艷正繁  
不知紅影下  
誰共醉芳樽

初雪

一色陰雲蔽曉空  
粉英瓊屑亂茸茸  
不知遊騎將何處  
已失南城玉柱峯

對雪獨酌

雲陰低重玉花繁  
獨擁貂裘對一樽  
不語佳賓是何物  
古書名畫滿西軒

槐莊渡口

雲烟飄泊樹微茫  
一岸人家帶夕陽  
欲上高原便回首  
可怜風物似吾鄉

約春

去歲相違恨已賒  
今年相遇喜無涯  
紅情綠意知多少  
盡入涇川萬樹花

和子山陪使君遊西湖三絕  
正月晦日  
柳色遶堤金粉明  
湖光浮岸玉烟輕  
風柔日薄恰新霽  
正好訪春來此行

其二

遊騎翩翩從使君  
娛賓亭上宴西曛  
座中不用頻辭酒  
明日青春已一分



其三

滿眼垂楊照綠波就中春意此先多不將歌管  
酬佳景擬奈翠漪堂上何

探春

幽郊寒重勒春遲消息如今尚未知只是垂楊  
嫩先得每朝來覓向東枝

春寒

東風何事力猶微凜凜邊寒犯客衣舊雪未消  
新雪下南園春色幾時歸

丹淵集  
卷六終

陳眉公先生訂正丹淵集卷七

宋 蜀 文 同與可 撰

明 吳 毛 晉子晉

蜀 李應魁務滋同叅

吳 吳一標建先

詩四十首

新秋讀書

高風發遠籟轉響為清商隆曦減炎威未晚先  
自涼庭前碧桐樹昨日聞早霜朝來逐菜上已

九淵集 卷一  
暈一拂黃壯歲覺時節燿若翻電光自顧勿嗟  
惋徒然攬中腸官居幸少事署案日幾行公退  
清且閑垂簾坐虛堂解帶輒傲兀左右羅縑紉  
所務唯討論一燈從夜長

貧士行

側身入窮閭跼影守環堵日高齒未嚼風勁骨  
猶露胡爲迫凍餓此道吾所素出每駕雞棲歸  
仍伏龍具原生本非病董子蓋不遇誰將斗升  
水活此轍中鮒不見裹糧人欲死者亦屢徒自

諷詩書區區立名譽

馮氏道中早行

畏暑事晨役高原動征羈遙遙歷廣博浩浩長  
風吹踈星才出沒河漢西南垂林端啓明上飛  
光發丹曦熒熒洒晴露百物含華滋爽氣入肝  
鬲宿濁無一絲寒泉漱清甘洗滌俗慮遺還憂  
火輪怒萬里燒雲達

宿李同年蔭碧亭

時自長安  
慮囚屬疾

抱病出煩闐投此青林間高軒得清涼坐致精

爽還主人止之宿借與終南山中宵皓月起繞  
枕皆孱顏望久氣自清心胷無結頑平明又西  
走勝軌不可攀

李生畫鶴

昂昂青田姿杳杳在輕素一身萬里意雙目九  
霄顧鈿鈿羽翮利竦竦骨節露君初本誰學我  
恐必神悟得於想像外看絕筆處稷筮如復  
生相與較獨步

幽州

昔年戎馬盡南幽今日風光已太文雅吹夜喧  
金府月靚粧春艷玉峯雲泉亭柳色濃將滴水  
寨荷香遠更薰邏候不驚烽燧息高原閑獵舊  
將軍

寄友人

惟秦抵於蜀間可歷萬巖遙懷嚮英義潛想一  
夕馳乏人探道與求合常苦奇音見謂可招納  
欲與相塌篋夫何屢乖絕出處各一涯秋風動  
孤况西首勞所思

和仲蒙夜坐

宿鳥驚飛斷鴈號，獨凭幽几靜塵勞。  
風鳴北戶霜威重，雲壓南山雪意高。  
少睡始知茶効力，大寒須遣酒爭豪。  
硯冰已合燈花老，猶對群書擁敝袍。

明教院

野逕欹危入谷斜，曲崗回嶺共交加。  
經年不到爲隔水，此日獨遊因看花。  
兩岸烟雲閑景物，一軒泉石靜生涯。  
自怜冠珮嬰身者，直入樊籠老

歲華

和仲蒙夏日卽事

簿領初休几按清，西軒移枕臥前楹。  
香從菡萏紅苞發，粉入篔簹翠節生。  
不分去聲便衰聞蟻鬪，可嗟俱妄見蝸爭。  
日長景靜官曹冷，莫厭頻來對一枰。

西軒秋日

官舍蕭然似隱居，一軒秋色伴恬如。  
深藏宿雨樹木暗，高灑夕陽籬落踈。  
景物靜思臨水石，光

丹浦集 卷十 四  
陰閑覺入圖書此心只有雲相信長畔吟魂遶  
太虛

和張屯田秋晚靈峯東閣閑望

直欄橫絕紫微陰  
凭久秋光照客襟  
一道山川寒色遠  
萬家烟火夕陽深  
涇灘水落群鷗集  
秦嶺雲高斷鴈沉  
此興浩然須把酒  
可憐難醉異鄉心

春庭

春院陰陰翠靄侵  
春庭寂寂曉光迷  
花間蜂去

抱黃粉苔上鷺來啣  
綠泥兩行高梧初蔭合  
一番新草恰生齊  
微禽已識幽人意  
飛下欄干向裏啼

過永壽縣

驅馬上危坂  
暮鞭撻客愁  
峯巒驚滿目  
咫尺擬回頭  
紅樹擁野店  
白雲藏縣樓  
須知此北下地底見幽州

杜老有幽郊入地底之句

東谷偶成

府事幸稀簡  
常爲東谷遊  
舊山茲髮鬢  
佳景每

遲留斷續溪雲起縱橫野水流拂衣知未得聊  
此慰鄉愁

宜祿昭仁寺後軒

危欄憑絕壑欲奈此時何但有夕陽處就中秋  
色多與誰同徙倚空自發吟哦便覺成羈旅歸  
心逐鴈過

過高壠城

頽壁乍高低中間已亂蹊長原想鵝鶴大塚記  
鯨鯢黯澹寒雲結蕭疎野草齊興亡盡遺迹立

馬看扶犁

夏日翠漪堂

湖水碧溶溶寒漪四望通龜魚遊浩渺鳧鷖下  
虛空爽氣吟窻外清光釣艇中一襟時自快多  
謝北軒風

玉峯園經春不得一過因成詩呈同官

約遊

春來少嬉遊俗事日相耗南園只城外累月不  
一到花香雨後歇樹色風中老惟有崑下泉猶

能滌幽抱

送張競無悔秘校赴調

無悔富道誼卷藏無所施端笏拜上官十年走  
堦墀人皆爲嗟惋君獨安且怡又執考書去當  
衡誰與知

六月十日中伏玉峯園避暑值雨

南園避中伏意適晚忘歸墻外谷雲起簷前山  
雨飛興餘思秉燭坐久欲添衣爲愛東崑下泉  
聲通翠微

咸陽道上晚晴有作

積靄晚盡散南山明夕陽秋容徧豐鎬古恨入  
隋唐草木咸搖落風烟自渺茫客亭須下馬把  
酒慰殊鄉

歲晚登清素院北閣

雲端訪古寺樹杪臨危閣風厲懾草木霜乾喜  
鷗鶚天時旣悽慘人意亦寂寞回念故山遠心  
隨日西落

炭泉險道

丹波集 卷十  
一澗呀然截亂峯更於何處問途窮高深出井  
又入井曲直上弓還下弓絕底乍臨渾偏仄危  
顛纔徹似飛冲我來行縣須經此正在炎炎三  
伏中

玉峯園避暑

伏日當飲酒南城會群賢開樽蔭碧樹移席臨  
清泉浩意脫塵土高懷軼雲烟早歸休信俗須  
待月娟娟

早起覽物成詠

移枕出幽幌披衣步前楹秋容草木靜曉氣烟  
雲輕蟬噪宿露滴鴈飛朝霞明塵心幸未動聊  
此納餘清

寄馮永州

山水永最善守居聞更優烟雲萬石古風月九  
岩秋几案少俗事壺觴多雅遊無因陪後乘幽  
意滿湘流

暑夕待月庭下夜深方歸

晝蠅方少夜蚊多搔脫霜紈奈熱何獨向中庭



待明月一身清露瀉金波

中伏日諸君會玉峯余以病不預作詩

寄呈

去年中伏在南園同聽清泉引綠樽今日諸君  
又高會獨嗟移疾臥西軒

興平原上赤熱因寄永壽同年

日午終南翠色燃蒲襟飛土下秦川是時獨想  
君高尚正在山亭弄野泉

亭口

林下翩翩鴈影斜滿川紅葉映人家岩頭孤寺  
見橫閣有客獨來登暮霞

淺水原

鶉觚西北地鱗鱗此處當年起戰塵見說如今  
溝壑下斷鋒殘鏃屬耕民

興平原上

東西車馬走秦川擾擾飛塵混曉烟我亦中間  
遊宦者尚慚無語賦歸田

西湖荷花

紅苞綠葉共低昂  
滿眼寒波映碧光  
應是西風拘管得  
是人須與一襟香

石龍渦

嶮勢圍空斷壁圓  
四時常見聚雲烟  
為霖救旱今何在  
徒有遺文記昔年

有李壞又記備述  
禱雨有驗之事

水蒨

紅芳霄露清翠節  
曉霜犯雨後曬殘日  
秋容滿庭楹

黃蜀葵

錦江何日別添水  
今朝見清露染顏色  
秋鵝一分淺

鼓子 干菜者

柔條長百尺  
秀萼包干菜  
不惜作高架  
為君相引接

鄂上懷古

未曉南山去  
從禽夜不歸  
凡行多少地  
十二所更衣

石竹

丹淵集 卷十一  
蜂齧紅葉爛蟲啼碧叢短秋風畧地起惟有蒼苔管

丹淵集卷七終

陳眉公先生訂正丹淵集卷八

宋 蜀 文 同與可 撰

明 吳 毛 晉子晉

蜀 李應魁務滋同叅

吳 吳一標建先

詩五十一首

邛州東園晚興

公休時得岸輕紗門外誰知吏隱家  
鬪鴨整群翻荇菜乳鳥無數墮松花  
携琴秀野彈流水設

席芳洲詠落霞向晚雙親共諸子相將來此樂

無涯

秀野芳洲  
二亭名

雨過側調

陰車飛空載急雨雨過林塘若新換  
檉花浮波魚誤食松子落屋烏驚彈  
白雲挂樹久不起青煙泊草殊未散  
東園傲吏愛高竹把卷倚風頭  
髮亂

題象耳山寺

轉谷縈巖路始窮隔林遙望一門通  
溪山俱在

見聞外臺殿盡藏懷抱中像閣呆愚  
明海日經幢瓔珞撼天風勞生又逐  
輕舸去珍重高僧解苦空

題晉原舒太博清谿閣

危閣飛空羽翼開下蟠波面影徘徊  
光搖畫板月深淺聲遶曲欄風往來  
暝色四郊煙莽蒼曉雲千嶂雪崔嵬  
主人好事民無訟日夕登遊對酒杯

縣樓獨酌

丹淵集 卷第八  
二  
向晚無公事身如太古閑  
縣樓明夕照罇酒對南山  
放意利名外遊心天地間  
生來不能飲到此學酡顏

殘秋郊外

蕭蕭風色弄寒威見盡郊原  
向晚暉昨夜星霜和月落  
滿林紅葉隔煙飛已嗟北渚  
蓮初老更惜東籬菊漸稀  
休感歲華傷節物眼前罇酒  
重相違

郊外

城市厭塵土高原聊振衣  
晚雲多淺碧秋樹半深緋  
江氣雜輕靄山光明落暉  
因成求好景更就野橋歸

靜林詩僧已老

七十吟中老清風滿舊林  
倚筇秋岸遠圍衲夜房深  
未得雲空在將成月已沉  
生平苦如此誰是識師心

高堂山兜率寺

孤絕不可狀此山餘舊聞  
因官多暇日與客到

丹洲集 卷第八  
深雲門外一塵斷座中千里分勞生當自去繚  
繞下西曛

閑居院上方晚景

繞岩縈谷到禪扃更上危巔最上亭風攪亂鷗  
盤古木雨催羣鷺下寒汀秋田溝壟如碁局晚  
岫峰巒若畫屏詩已就成終夕去遠村燈火一  
星星

李道士惠琴軒集 二首

驅役精魂入大幽滿編奇絕盡冥搜不教天地

畧容隱應與鬼神同訪求海藏光芒開寶三羽  
林鋒刃立戈矛蕭臺自好携歸去莫向人間苦  
暗投

其二

壽寧孫老畫壁下當日偶同君此行是時衆裏  
畧一揖自爾乃得君詩名風馳雨絕十五載此  
地忽爾相逢迎見投琴軒兩大集寶匣金鑰緘  
瑤瓊未開試使道所有毛髮寒豎肝膽驚歸來  
燒燈讀至曉句險字硬才力瘁君身長不滿三

尺萬象何術獨手擎嗟我氣俗音韻淺不敢與  
君相和去鳴聊書短歌報佳惠它日願將朝七  
瓔

彭山縣居

公館靜寥寥園亭景物饒溪光明短杓樹影蔭  
危譙山鳥忽雙下池魚時一跳主人王事簡文  
酒日逍遙

下金雞山

峽東幾重煙山分數尺天岩猿與溪鳥一似過

飛仙

過金雞關

關頭氣象古關下風煙淡春深草木活嵐重坑  
谷暗禽聲着部奏花色成窠勘歸鞍雖若水留  
此亦能暫

夜靜獨登小閣有所見因書

危閣橫空蔽野扉夜深來上久忘歸水光瀲灩  
和煙動雲色襜褕夾月飛隔岸葦村聞笛遠背  
灣松塢見燈微此間自得吟中樂不覺霜華滿

盡衣

送黃夢得

去年輕舳過巫山今日羸驂度劔關孤客每嗟  
隨斷梗慈親常把夢連環  
蘭陔歲晚雖堪采桂窟春深正好攀  
決取榮科歸舊里板輿迎侍且承顏

送郭方叔南充簿

六月東山道炎風滿去鞍  
譙周之舊里仇覽此初官  
簿領無煩壅圖書好燕安  
清朝名路闊慎

勿學長歎

送張郭二秀才赴舉

二子共齋刀翩翩去意豪  
負才皆萬選入守定雙高  
上道梅薰袖還家草映袍  
須知本鴻鵠終不在蓬蒿

謝人寄蒙頂新茶

蜀土茶稱盛蒙山味獨珍  
靈根託高頂勝地發先春  
幾樹初驚暖羣籃競摘新  
蒼條尋暗粒紫萼落輕鱗  
的皜香瓊碎鬢髮綠蠶勻  
慢烘防熾



丹淵集 卷八  
炭重碾敵輕塵無錫泉來蜀乾峭蓋自秦十分  
調雪粉一啜嚙雲津沃睡迷無鬼清吟健有神  
冰霜疑入骨羽翼要騰身磊磊真賢宰堂堂作  
主人玉川喉吻澁莫惜寄來頻

謝許判官惠茶圖茶詩

成圖畫茶器滿幅寫茶詩會說工全妙深諳句  
特奇盡將爲遠贈留與作閑資便覺新來癖渾  
如陸丞疵

雨後看山因憶黃世南先生詩以相招

新霜夜落羣嶺鳴羣風刮天爲早晴南山向曉  
盡張列頽嶺斷壑當空橫開軒一見喜無量走  
上高閣臨飛薨層欄倚遍不能下狀貌秀活圍  
雙睛奔騰遠近若波浪愛極擬去中間行此時  
只恨少佳客相共叫笑誇崢嶸我思黃子者奇  
士趣向超越無俗情手提詩筆若椽大到處詠  
物物有名我今此縣頗幽僻復在歲杪天氣清  
溪中魚蟹易尋覓林下梨栗新收盛子如訪我  
住旬浹此品可備盤與觥遂馳僕馬去邀子願

子爲我聊出城私心不獨徒見子亦願播此山之聲子如不見不爲詠可惜此山虛此生

送楊議卿赴舉

寒日照殘樹新霜結衰草有客奉高薦策馬奔遠道聲名近轉大文字素已好壯歲雖可恃榮科亦宜早勉自報春暉高堂親髮老

和楊仲軻春難度

三首

春難度紅梢梢尋縷縷朝披煙暮結雨勸君飲酒莫用訴春難度

其二

春難度歌滿闕酒萬舉喉欲破腸欲腐風光滿天已不暮春難度

其三

春難度池浮花墻擁絮枕書睡樹陰午日長幾何萬尺許春難度

和何靖山人海棠

爲愛香苞照地紅倚欄終日對芳叢夜深忽憶高枝好把酒更來明月中

訪李奩山人隱居

多暇無所適故來尋隱君  
塞開墜屋樹觸散擁  
門雲狀貌不妨古言談何太文  
令人重高趣歸  
去每斜曛

冬晚書事

倚杖立亭臯寒威向曉豪  
雪乾山色老風烈樹  
聲高殘日千鷗舞孤雲一鴈號  
自然成感物不  
覺首重搔

晚次江上

宛轉下江岸霜風繞人衣  
翩翩渚鴻墮冉冉林  
鷗歸前壑已重靄遠峯猶落暉  
孤舟欲何處劃  
浪去如飛

十月梅花

十月凍墻隈英英見早梅  
應從九地底先領一  
陽來紫膜紛紛脫黃膚  
迤迤開得風渾自變與  
雪欲成堆細暈輕檀口  
濃粧膩粉腮月娥身解  
寫青女手能裁冷豔浮冰  
沼清香落玉杯只憂  
融乳酪不惜露瓊瑰  
避妬情堪重禁寒術可猜

丹淵集 卷第八  
有誰憐寂寞盡日獨徘徊共語誠無計將題耻  
不才東隣夜夜客莫放笛聲哀

吉祥院

欹危一逕通下馬轉深叢便是塵寰外可憐煙  
塢中修篁寒滴雨老栢靜吟風日暮庭前樹歸  
鷗自遶空

書鶴鳴化壁

晚氣陰陰別作寒夕陽林下動歸鞍忽然人報  
後山雪更上上清宮上看

題鶴鳴化上清宮

秘宇壓孱顏飛梯上屈盤清流抱山合喬樹來  
雲寒地古芝英折岩秋石乳乾飈輪遊底處空  
自立層壇

寄題何靖山人隱居

門外鋪寒水墻頭立好山先生忘勢利高隱寄  
中間鳧鷖應同樂煙雲已共閑幾時能少暇携  
酒到松關

寄楞嚴大師

錦官城裏寺一室若雲峯水縮秋吟鼎霜低夜  
講松住齋塵入鉢出定蘚生筇曾聽三摩義居  
常夢曉鐘

揖山閣

一問此孤高蒼蒼欲上摩有時臨縹緲盡日對  
嗟峨絕底秋陰重危層晚照多無由從隱者空  
自愧雲蘿

杳杳堂

杳杳堂何者余常此養愚放身依曲几忘慮若

枯株莊老題書冊喬松列畫圖客來休見問非  
爾識于于

安仁道中早行

行馬江頭未曉時好風無限滿輕衣寒蟬噪月  
成番起野鴨驚沙作隊飛揭酒旗當岸立翩  
翩魚艇隔灣歸此間物象皆新得須信詩情不  
可違

竹閣

回廡抱曾閣蕭然深且虛盡欄憑曲曲高竹愛

丹淵集 卷八 十一  
踈踈塵滓外不到衣襟清有餘每來聊自適幽  
意滿琴書

尋春

馬行如疾輪十里去尋春盎盎日光麗鮮鮮雲  
色新樓臺出花木道路夾松筠欲買前村酒陶  
然作醉人

太博孫公遊火井因寄

七盤雲道與雲浮下見高林壓縣樓覽景莫能  
陪後乘臨風空自憶前遊已聞去日謀詩席更

羨歸時就釣舟好句定知酬不得盡將奇詭入  
冥搜

墅居

林下覽清曠此懷殊不羈散行輕憤便獨酌小  
甌宜自可追三樂何須作五噫世情歌笑外紛  
擾竟何爲

面川亭

幽亭最孤絕直入亂叢間近晚獨來此有誰相  
與閑卷簾通大野臨檻數前山便欲教携酒陶

然踏月還

南亭

晚衙初散吏人歸  
獨立南亭着道衣  
淺酒小詩聊自樂  
此心渾欲外輕肥

北郭

繞樹垂蘿蔭曲堤  
暖煙深處亂禽啼  
何人來此共携酒  
可惜拒霜花一谿

讀史

不得熒陽遂失秦  
始知成敗盡由人  
可憐一擲

羸天下只使黃金四萬斤

夜學

已叨名第雖堪放  
未到根原豈敢休  
文字一牀燈一盞  
只應前世是深讐

畫眉禽

盡日閑窓生好風  
一聲初聽下高籠  
公庭事簡人皆散  
如在千巖萬壑中

鷺

濃染羽毛深畫眉  
曉來風日正晴時  
只應自道

丹淵集 卷第九  
新聲好啼遍後園花萬枝

佛頭

地名也此中山水絕佳

公暇常來此處遊碧波蒼巘解相留翩然又向城中去回看溪山只自羞

丹淵集卷八終

陳眉公先生訂正丹淵集卷九

宋 蜀 文 同與可撰

明 吳 毛 晉子晉

蜀 李應魁務滋同叅

吳 吳一標建先

詩三十五首

和子平弔猿

去年汶山花平僧求得匡猿遠相寄來時野性已馴熟趨捷輕便殊可憇呼來遣去會人語一



丹波集 卷九  
成已絕歸山意置之眼前看不足解去條索令  
自恣月明木杪倚風嘯天暖花陰向陽睡兒童  
圍繞賓客惜倒挂橫跳街嬉戲豢夫每日費提  
舉未始時節虧飲飼前時忽來報之病抱立堦  
前自臨視與之柿栗不肯顧局脚埋頭交兩臂  
毛焦色暗肉攣縮斗覺精神變憔悴尋常忽然  
遇小疾不過蜘蛛噉三四咽喉才下卽無恙何  
此不効况頻餌今朝霜風冷入骨早遣之問云  
已斃人情不免爲傷怛退自悔恨中且愧重巒

復袖本其樂大薄長林違爾志苦將韁鎖強維  
摯不究天年良有自遣人包裹瘞深僻不使筋  
骸屬螻蟻西隣子平最好事聞之搏髀歎無已  
再三慘怛來訪問歸作長篇踰百字其詞讀之  
甚悽愴亦謂一鬱歎其死復推物理重相慰聚  
有散無皆偶爾把之庭下讀復讀仰望高株一  
歎歎

和子平悼馬

生來未嘗畜良馬近得此駒誠可嘉骨節權奇

丹淵集 卷九  
毛肉好此種無乃真渥洼健蹄駸駸穩而疾歷  
目一過如飛霞自歸官下少出入惟是芻粟意  
轉加前時相期好天色往返百里馳平沙誰謂  
兵奴踈其足針烙熨裏成癥痂立多氣毒憤入  
肺雙賺攢縮兩鼻呀庸工謬藥久不効倒死櫪  
下鬢影髮散惟一區瘞以贈惜爾命薄如菱花  
子平平時最愛爾對客滿坐常洪誇今朝見爾  
忽斃踣重以好詩形歎嗟嗟余逐貧官職小此  
馬豈合居余家從今但只跨款段壞轡破鞍仍

短檝

冷餅

海南有陶器質狀矮而脣云初日炙就鍛鑠不  
以火水壺醜突兀酒甕肥磔砢山壘頸微腫石  
鼎足已跛圓如鴟夷形大比康瓠顆華元腹且  
皤王莽口何哆蕃胡入中國萬里隨大舸携之  
五羊市中匱費包裹侏儻講其効瀉辯若炙輠  
課以沸泉沃冰雪變立可炙敲療中渴其用豈  
么麼君凡幾錢得不惜持遺我曾將對佳客屢

試輒亦果勿云遠且陋幸可置之左

中秋夜試院寄子平

憶初我來時夜色如墨障心常念明月幾日西  
南上松梢倚樓角一袂偃相向漸見輪中物依  
稀吐形狀今宵東嶺外灑灑金波漲人間重此  
夕一歲號佳賞而我督秋試鑠宿密如藏細務  
紛滿前約束甚鞅鞅無由奉朋侶徹曉坐清曠  
之人富才華筆力趨且壯誰陪把罇酒露下與  
酬唱南牆咫尺地使我起遐想人生此良會可

惜已虛放獨立中夜歸俛首入書幌

贈城南觀音院菴主廣師

簿領日嬰薄紛然汨幽襟駕言出城南聊欲清  
此心平岡見淨刹石逕鬱以深中有苦空人峭  
健奇骨森十年一菴下形迹了莫尋兀如擁敗  
褐口吐絮妙音時下寂照堂聲絕響亦沈默矣  
蓋自得其誰知少林

送韓震都官監渭州酒韓近悼亡

士師每失官未始有憂愠園吏旣喪婦何嘗復

丹淵集 卷九 四  
嗟憤二子道義勝一與天理順之人乃其徒心  
迹兩相近區區赴窮塞而使賣官醞胷中浩然  
者俗口不得問好軍此開府遇士以恩信若訪  
禦戎策請爲講三陣 時仲儀帥渭

成都楊氏江亭

汀州煙雨卷輕霏遙望軒窓隱翠圍萬嶺西來  
供曉色一江南下載晴暉鳧鷖慣入闌干宿魚  
蟹長隨舴艋歸我亦舊多滄海思幾時如此得  
苔磯

漢州王氏林亭

短笻疎籬入野扃竹烟松露滿襟清奔湍激險  
飛寒響弱蔓穿深挂晚英惜去更觀曾畫壁記  
來重注舊題名門前便是紅塵道誰肯同過洗  
俗纓

春雪呈知府龍圖

朧朧玉魄沉霄彩款款瑤花破曉陰和氣所蒸  
緣異政豐年之兆慰羣心畫樓卷白歡聲洽遊  
騎障泥樂意深太守安閑民訟息錦城無限好



晴自照巖枝橫月夜相依有時教宰盤跚舞忽  
地鈎輶格磔飛寄語人間用繒繳瑤臺鸞鳳好  
同歸

竹樓

秀榦扶疎綵檻新琅玕一束淨無塵重苞吐實  
黃金穗密葉圍條碧玉輪凌犯雪霜持勁節遮  
藏烟雨長輕筠此名未入華林記誰念西南寂  
寞春

無爲山寺

一組危磴遶崢嶸上徹幽深入化城烟外川原  
誰繡畫雲中樓閣自陰晴老僧高論都無著古  
佛真身宛若生聞道軍持新呪水願傾涓滴洒  
塵纓

劍州東園

羣峰高擁碧嶙峋亭宇清華氣象新兩岸烟雲  
先向日一林花木暗藏春溪明夜閣軒窓月風  
斷晴橋井邑塵好酒蒲樽詩滿軸主人曾不倦  
行人

運判南園瞻民閣

青都高與紫霄通獨此危欄望不窮萬嶺過雲  
秋色裏一峰擎雪夕陽中欄楹曉落天蒼月  
戶晴吹石闕風民吏安閑財賦足管絃時復在  
簾空

讀淵明集

吏人已散門闌靜公事才休耳目清  
無俗客案頭遺集有先生文章簡要惟華袞滋  
味醇醲是太羹也待將身學歸去聖時爭奈正

升平

張次公大博歸閩中

制詔頻來試玉京清途猶自滯豪英策高三道  
竟何用恩拜二親方爾榮祜阮襟懷終曠達儀  
秦才術本縱橫閩中勝事知無限且向城南爛  
熯行

寄成都監庫石屯田遠叔

一年同住夾城中小圃高齋幸見容吟盡物題  
春唱和講窮人事夜過從尋芳待去門前約訪

丹浦集 卷九  
古邀回道上逢別後西樓不堪倚滿川林木暮  
雲重

宿隆平精舍

萬木羅青蓋雙峰敞翠屏風埃愁客路鐘鼓喜  
禪扃下馬穿蒙密隨僧入杳冥俗襟如見濯試  
爲瀉銅餅

弭蓋亭

弭蓋長亭下軒窓慰客心田騰交遠日水堦瀉  
清襟北道雲千里西山雪萬尋塵衣無奈拂去

騎復駸駸

什邡道中

驅馬下遙川殘陽促晚鞭高林夾廣道亂水入  
平田村落晴如畫桑林晝起烟飛鴻正南下歸  
意滿雲邊

夜思寄蘇子平秘丞

亂竹敲風遠高松過雨涼檢書防落燼下幕恐  
遺香好月娟娟上輕雲苒苒長端令阻佳客不  
得共清觴



西湖

丞相淹回地光容滿落暉池塘存舊夢城郭歎  
前非煙靄陰晴出鳧鷗遠近歸松風殊有意猶  
欲下金徽

猿

岷嶺高無敵來從第幾層攀緣殊不倦趨捷爾  
誠能晚嘯思危石晴懸憶古藤王孫非汝類只  
可以文憎

幽沼

促促開幽沼涓涓引細渠無由安島嶼才可活  
龜魚秀荇新宜食圓荷淨好書時來坐高柳濯  
足蔭扶疎

步月

掩卷下中庭月色浩如水秋氣涼滿襟松陰密  
鋪地百蟲催夜去一鴈領寒起靜念忘世紛誰  
同此佳味

中秋對月懷寄鳳凰山鄧道人

有客千巖萬壑中綠毛丹臉紫方瞳不知今夜

丹波集  
西樓月幾處飛山下碧空

秋日晚晴呈同院


秋風淅淅吹碧虛白雲鱗鱗如臥魚共君今夜  
賞明月興來誰欲騎蟾蜍

戲呈鳳凰長老用師

七十頭陀會語言舌根流利口闌珊羅浮居士  
最難奈穩把無絃琴與彈

郡學鎖宿

長栢高栴蔭廣庭夜涼人靜夢魂清不知山月



長栢高栴蔭廣庭夜涼人靜夢魂清不知山月  
最難奈穩把無絃琴與彈  
七十頭陀會語言舌根流利口闌珊羅浮居士  
賞明月興來誰欲騎蟾蜍  
秋風淅淅吹碧虛白雲鱗鱗如臥魚共君今夜  
秋日晚晴呈同院  
西樓月幾處飛山下碧空

